

永寧縣志卷之一

土地部

疆域志

城池附

成王命畢公尹東都日申畫郊圻慎固封守疆域廣輪既正然後高城深池以臨之居中馭外暮布星羅咸準視焉拓拔之季或屬熊或屬虢或屬宏農或屬宜陽畛域莫定所建之城壁壘防戍焉爾隋唐以來邑治地域釐然城始有定雖彈九小邑無百雉之雄而近跨三嶠遠睽二虢固洛郡藩屏矣載畚鍤而補葺之非固吾圉者所當有事歟

永寧縣在河南府城西一百八十里

東至岷山村宜陽縣界二十里至宜陽縣城一百二十里

西至十八盤坡盧氏縣界一百二十里至盧氏縣城一百六十里

洛甯縣志

卷一

疆域志

一

翊中石印館印

南至界嶺嵩縣界八十里至嵩縣城一百四十里

北至頭峪陝州界六十里至陝州城一百六十里

東南至黃家窑宜陽縣界三十里至宜陽城一百一十里

西南至九里溝口 關帝廟嵩縣盧氏界二百里至盧氏城一百二十里

東北至杜氏村澗池縣界八十里至澗池縣城一百四十里

西北至鞍子頭村陝州靈寶盧氏界一百五十里至陝州城一百五十里靈

寶城一百五十里盧氏城一百二十里

東至省城開封府六百東北達

京師一千九百八十里東西廣一百四十里南北袤一百三十里

按舊志永寧層巒疊嶂彌望無際洛水貫注於中北有九轉之阻東北有河底之隘西有十八盤坡之險南有金門界嶺白馬神頂女几之雄東界三箱刀鑲與韓城俱稱險要舊為北宜陽地秦晉之門戶也

城池

永寧舊土城未詳創始何代周圍四里一百七十步高二丈五尺女牆七尺廣一丈濠深一丈廣三丈門三東曰迎恩南曰中和西曰普安明洪武二十年重建置百戶所守之正統十年縣丞于淵嘉靖三十二年知縣張守愚相繼修隆慶五年知縣高一登重修雉堞以甃崇正十三年流寇攻陷城毀國朝順治九年知縣程萬善重修康熙二十五年知縣佟賦偉重修雍正七年知縣郭潔修葺乾隆十年知縣單履咸重修二十七年知縣金兆琦修

永甯縣志卷之一

土地部

建置志

畫地分野以後郡縣之設始於秦時歷代兵戈倏優分合屢更稱名迭變永寧自魏置嶠後百餘里置縣者六置郡者二置州者一屬郡者六官職嶠雜民鮮安居莫此為甚於以見

太平之世疆界永定土食舊德農服先疇政之善抑生民之幸也既倣續通志沿革表以補舊志之缺陋間復援据史書論正其下循序而稽可為考鏡得失之林矣

永甯縣

春秋時為韓地

秦屬宜陽西境界

洛甯縣志

卷一

建置志

一

翊中石印館印

後屬澗池之西南境宜陽之西境

後漢魏晉並同

俱見通志

後魏太和十一年置嶠縣屬宏農郡

見魏書地形志

西魏置北宜陽縣仍屬宏農郡

見魏書地形志及方輿紀要

東魏興和中置金門郡領北陸一縣置金門縣屬宜陽郡

魏書地形志

後周改北宜陽縣置熊耳縣又置同軌郡以熊耳屬焉廢金門郡

見杜氏通典及隋書地理志

隋開皇初廢同軌郡徙熊耳縣治於同軌城大業初廢嶠縣並入熊耳義寧年

間移熊耳縣於永固城因符堅舊城更名曰永寧隸入宜陽郡

見唐書地理志及方輿紀

要

按後魏太武神麴年間已奄有中原之半而未立郡縣考文帝太和十年謀自平城遷都洛陽九年始立州郡置三長定戶籍十一年遂置嶠縣是時曹公嶠灑北道雖久開而嶠尤為險隘張是連提之敗置重兵抗焉遷洛後朝野又安者四十餘年邑名未改正光失馭奸雄起魏分東西

兵戈相尋復開南道出入東魏畏逼鄴高歡宇文泰爭戰地專在宜陽宏農間於是東魏有金門北陸之置西魏有北宜陽之置齊周馬氏通考洛陽宜陽旋得旋失又增置防戍與河東玉壁並重見諸史十六軍防有黃者齊以伊東孔城防洛陽北荆門防備周立陝熊等州長史正戍副等官高氏稍衰周得宜陽廢金門郡置金門戍竊意兩國置縣非以治民不過徵粟出車竭民力以堅壁固壘而已隋混一宇改縣曰永寧示罷兵革安井里之意後遂沿之續通志沿革表於置嶠及雜置郡縣之由未暇發明故掇拾各史詳論之於後

又接周書鄭季穆傳從魏孝武西入關賜爵永寧縣侯西魏當時幅員止河東關隴其敬珍以平陽太守領永寧防當是今山西永寧州後周所稱石州者非永寧縣也其他省永寧州皆置自宋以後又非西北地豈永寧之名西魏已設而隋廢熊耳縣遂用此名耶北史既非完文前人俱未考及余嘗擬之附載於

後俟俚雅者核正焉

唐武德元年復析置嶠縣武德三年以永寧嶠置函州八年州廢以永寧隸熊州嶠隸陝州貞觀元年熊州廢以永寧改屬穀州移治莎柵又移治鹿橋驛

顯慶初改屬洛州

見唐書地理志及方輿紀要

永寧畿縣

見唐書地理志注

洛甯縣志

卷一

建置志

一

翊中石印館印

按方輿紀要嶠縣武德三年屬函州自破石塢移置鴨橋八年改屬陝州開元十四年改曰破石縣當未分時永寧實兼有三嶠半收陝澗之地自分屬後乃獨治東嶠耳

宋屬京西北路河南府

見宋史

金屬嵩州

見方輿紀要

按舊志云金史正隆六年縣寄治河南府後即府店鎮為縣未知府店鎮在何所考金史本紀正隆六年廢帝亮自中都至河南府汝州溫湯詔一里五十里獵騎士二千隨路所至種麥皆空由河南府幸汝州溫湯詔一里五十里內州縣移商賈置市今河南府七十里有南府店鎮通汝州東西大道豈當日將永寧縣官師寄於此以供億行在耶金史無明文通志府志沿革表俱不載姑附記於此

元屬河南路

見元史

按方輿紀要後魏設長淵縣唐避高祖諱改為長水永寧長水并隸河南府金仍稱長淵縣觀紫蓋寺金大定二年碑可知至元時無長水之名則長水廢入永

寧在元時無疑

洛寧縣志卷之一

土地部

風俗志

時序附

記日修其教不易其俗齊其政不易其宜又曰禮從宜使從俗蓋五方風氣不齊而治之者亦異觀時察勢以得其變治事臨務以識其性準今酌古以要其歸禮以節之樂以和之誠以格之嚴以訓之無改絃更張無膠柱鼓瑟則民樂從而化昔召伯聽訟甘棠之下而民大悅釋經者云行露之貞女見訟而致於獄蓋被文王之化淺而未純必如太陽之照幽崖焉而後可然則教化所關豈不重哉

漢書地理志韓地土有申子韓非餘烈高士宦好文法民目貪遴生分為失魏書崔寬傳崤地險多豪右宏農出漆蠟竹木之饒路與南通販貿來往家產

洛寧縣志

卷一 風俗志

一

翊中石印館印

豐富

紀事本末東都西南接鄧虢皆高山深林民不耕種以謝獵為生人皆趨勇

按洛寧戰國為韓地漢魏屬宏農宏農古虢也故以舊風俗冠首

通志洛寧在豫土稟天地中和氣又為召南首邑綽有古風

張論風俗利弊論永之為邑縣才百里而山據其什之七其車可方軌馬可馳驟者不踰四十里橫計之僅五里許河身遷徙又蕩其半餘不加三里竹木桑麻於是焉在丁男財賦於是焉出其民被召南之舊質而俚愿而不華服食粗淡器具牢樸無佻巧自黠者利一自長吏登高招之順風呼之彬彬雅化老死不識官羅無健訟掣上肘者利二僻在山陬礦稅新罷非有置郵繁騷迎送絡繹之費也利三然而均文貽蠹所在益賦荒蕪幾偏境內民流移救死禮義不嫻有數十里無絃誦聲者其弊也陋婿家罄產喪葬事佛無賴市魁以為溪壑強藩隣貴以為窟宅其弊也愚深山大姓武斷鄉村殺人擄婦恬不畏民有貧

不能訴之官弱不敢怒諸色者其弊也獷悍而黠狡且其大利大害甚有隣封所未見而有目可共睹者三曰竹曰河曰礦竹賦視他額不啻倍矣然富者竭別產所入培養數十年勿翦勿伐始有大如把者貧者旦旦伐之濯濯立見賠糧鬻產無可售者一折而盡入隣貴所謂有利名無利實者竹是也河與縣為枕籍者也所謂鑿井引灌者什不得一秋水泛溢兩岸崩圯盧舍田井一望蕭然自清丈以來可三十餘畝諸處山澗亦畧稱是所謂利一而害十者雒水是也礦之不產砂舊矣蚩蚩無知一迫荒灾嘯聚山谷藉名竊礦自相屠戮官捕之急則飛崖填塹可謂痛冤所謂利未得而害先及者礦是也大抵為永計者墾間曠延黨塾疏渠培竹禁奸戢暴謂民生三五之地而不復見三五之化者非其情也一切調停拯救釐正敦篤以稱秉憲至意惟長茲土者留念焉

舊府志絃歌之聲交乎州里孝友之行遍于芻牧素所淳有也然民性勇敢好勝多訟近者振以作人雅化雷冲霓舍生殉國劉芳投水救父皆矯然有忠孝

洛甯甯縣志

卷一

風俗志

一

翊中石印館印

大節

洛寧地形圖說邑民風土俗尚屬淳良儉樸第偏陬僻壤物產稀疎除服稼穡蓄竹木砍伐販賣或造器具外貿營生安分守己無怠無荒而學未專殊少佳士惟有時加訓勉以期爭相潛磨各自振拔而已矣

佟舊志邑人張鼎延言爾時習俗之弊囂凌佻達廉耻道喪江河日下勢重難返然未可概論一邑如修文廟遠近響應雷冲霓劉芳之風聞者感慕興起以見永俗之厚

按風俗與世移易召南之化尚矣二嶠秦頭魏尾山峻而險水旱而駛木修聳石犖确舊爭踞所故民尚勇力然觀後周書嶠東五義諸城防則俗之好義自昔已然官師既定桀鷲漸平薛氏父子以道學著蔡子英趙建極以忠節著宋禮以功業著人能以禮讓教其鄉以家塾訓其秀而僑寓者亦樂而不去矣勝國中葉稅使礦使之害徧天下洛寧彈丸邑竹課升治民膏盡剝山脈夷傷於是貧富相耀強弱相凌之風起焉宜張中丞論中痛心疾首而

朝
列聖相承深仁厚澤休養生息百餘年為民開衣食之源而不爭其利使得以

地之出廬之八搏節愛養仰事俯育睦鄰任卹且山之獷者秀水之虓者
澄地脉蘊蒸物產日盛民無奇貧亦無鉅富友助扶持有古同并風朔望

聖諭

十六條咸曉大義專上敬長輸將恐後從無逋賦訟稀少投鉅無聞偶

有講張示以法旋亦斂戢孝義節烈閭史所書恒可采有事召集趨聽

邑義地亦禁樵採踐踏士兼耕讀守卧碑雖限方隅之見汲古淺文少根

柢然母浮夸奔競宦歸者鍵戶教子孫足跡毋入公門農終歲勤動母皆

窳媿生以產竹故家織器具賈販給足俗有鎖黃金櫃之語王范諸集

通商者止牲畜布帛菽粟織皮漆蠟藥餌農器而已母金玉錦繡工製物

尚堅樸母雕文刻鏤婦女軒車機杼聲相聞亦能織工緻竹器佐其夫母

治粧艷服嬉遊於道在洛州頗淳而易治故引史傳

舊志所聞而舉今時風俗合而論之以見吾民幸生

聖人之世沐

教化之盛所以涵濡薰陶乏者何其厚也至紛靡之習一人唱則百人和防微

杜漸是在

忠信之長

時序

立春前一日縣迎春牛置衙前打春百姓買小春牛依官式五色裝或相獻遺

小兒翦綵作春雞戴頭上

洛甯縣志

卷一

風俗志

三

翊中石印館印

光旦起早祀神家家爆竹不絕三鼓後直至天曉祀畢子弟拜家長又依次各

拜其長謂之拜年飲椒栢酒食肉水引扁食乃出門往來賀歲以木炭倚於

門傍曰攔門炭

元宵燈節俗用十四十五十六三日夜造燈山火樹或紗帳屏風畫神仙故事

歌樓鱗次絃管嘈雜燈下設雜劇百戲遊人填塞街衢首結綵橋婦女行其

上並作八卦鞦韆車輪鞦韆

二月初一日祀太陽初二日祀龍神

寒食拜墓後或挈酒榼春盤出遊

清明祭掃先隴插柳花土度出郭踏青女子為鞦韆戲

三月三日祀城隍神十八日上鳳翼山石神廟祈子

四月八日為浴佛日

五月端午俗以角黍相餉遺是日早起艾插門或結艾人以五色絲繫臂曰

長命縷飲雄黃酒辟惡毒小兒女佩雄黃囊結五彩繒花為之

七月望日祭邑厲壇士庶家各祭其先謂之鬼節

中秋節菓店皆重新結絡陳月餅石榴梨栗棗柿諸菓品家家市酒登樓玩月
宴飲通宵

重陽詣鳳翼山及延壽山登高飲酒賦詩

十月朔燒獻寒衣百姓夜昇城隍神儀仗赫奕閤城官師從之由西關出北厲
壇入東關鼓樂喧闐燈火照衢名曰放鬼

初十日祀牛王廟報農功之成

冬至祀先祖食餠飩

臘八日以棗栗柿雜米炊之曰佛粥或用牛羊豕肉細切作糜曰葷粥

臘月二十三日夜祭竈用飴餠

除夕卑幼多稱觴為文凡壽謂之添年守歲

洛甯縣志

卷一

風俗志

四

翊中石印館印

洛甯竹枝詩十首

知縣單履咸

洛甯二月柳芽黃渠水新流灌麥場西起龍頭過鳳翼平疇册里菜花香

紛紛鉦鼓鬧春風翠袖紅裳迤遠逢石佛寺中還願罷共隨社火樓閣也到城東

焚修風俗近杭州老伴春來結隊遊朝罷華山嵩少去明年挨次作香頭

高山南峙北平原四月初旬箏籥繁千畝綠雲簪玳瑁家家活計仗斯園

同心扇子出唐宮劈霧裁雲製作工舊事已更遺物在女兒攜得引清風

香泉寺裡亂烏啼王范街頭市早齊遊罷歸來斜日暮恰擔新水到城西

秋空洛浦漾晴詩丈八魚叉夾岸持撒手應心真快事柳條穿得鯉鰻肥

疎林到處添紅葉黃菊籬邊掛錦袍正是重陽好風景牛王洞裡去登高

斤斧初冬競渡河陽虛材木最饒多編成筏子乘春水兩岸青山一霎過

有禱何須問藥方神驅二豎出膏肓白羊赤鯉縱橫列擊析敲鉦獻弋陽

洛寧縣志卷之一

土地部

公署志

周官鄭氏注百官所居曰府自漢以來曰署曰公廨廳政曰堂曰廳事燕居曰齋曰閣曰館多見諸唐宋人詩文中蓋出坐堂皇則思何以布令退食委蛇則思何以補過時加補葺居高明清心志尊瞻視集賓佐政之所不廢也洛邑之令有於署中引流鑿沼構軒讀書而敷政優興利除弊稱賢宰焉後之官師縱不必窮彫鏤侈綈錦亦不當視若傳舍鞠為茂草庶可見明作有功之一端云爾

洛寧縣署在東西門通衢之中央未詳創始何代元至大四年達魯花赤白阿剌罕重修燬於兵明洪武元年知縣翟禮重建正統十年縣丞于淵重修宏治十六年知縣李景重修規制式廓於舊基中為忠愛堂左贊政廳右庫藏

洛寧縣志

卷一

公署志

一

翊中石印館印

前立戒石坊東西為六房前為儀門門外左為土地祠東為紫雲軒即迎賓館也萬歷中知縣楊淳創建右為獄前為譙樓亦淳所改建樓內左右為榜房左右為旌善申明亭忠愛堂後為慎思堂又後為知縣宅明末燬於流寇國朝康熙八年知縣李伸重修乾隆九年知縣單履咸重修又建譙樓及內宅房乾隆五十三年知縣張楷重修儀門大堂甬路六科房內宅堂室及羣房增建大門內瓦房六間蕭曹神祠

貳尹于候建修縣治記

河南洛寧為名邑山川勝槩甲中州而洛寧尤為之冠其縣廳制度國朝洪武二年知縣翟禮初建迄今九十餘載或有疎損亦隨時修葺正統十一年夏晉陽石州于候由太學員來丞茲縣候天資聰敏才智優餘剛健有為蒞事不閱月而積弊悉革民利俱興令行惠立政通人和綽然政聲播於遐邇覩其廳堂縣治卑益恒不愜意時謂僚友曰君子之居雖一日必葺矧茲縣

提封百里居民萬區而施政廳訟之所為衆人之所觀瞻國家錢穀之出入風雨不避卑隘如此可不亟為之安乎咸曰非不為也力不瞻也候曰誠若是責在我吳遂設法捐俸市財陶甓傭冶及備酒穀敦勸有力之家沿渠竹園中有松栢榆槐青白楊大樹堪為棟梁檁柱者仍賞以值人皆唯唯樂輸之椽用松材邊山里分火甲朔望聽點之人帶一根不逾時而完由是役在公聽使機兵祇禁里甲人等從而撒之展地築基周圍比舊崇修廣各加三之二砌建琴堂三間七檁六椽椽用松材修廣比舊加丈崇加八尺前起提簷龜背椽厦三間修與堂齊廣二丈崇減堂之五尺左右檁懸粉油小木版左書主敬行恕右書平易近民以為箴後建退寢公明堂三楹五檁四椽用松料楹皆開窗窗後東西北築牆崇尋五尺上架木覆瓦粉壁彩畫為方書洛寧十景壁前為土池植以奇花異卉堂東西山各建耳房一間前東西各建庫房三間中門接琴堂起穿廊五間下壘壁上安窗南北兩頭各開東西

角門南墻廊外東西各蓋厦二間以安厨竈幕廳舊在縣廳之右撤而建於廳之左三間五檁四椽廳右建庫房三間戒石樓拆而重健四面轉角儀門大三間撤而重換榆槐松楊木料東西角門重修用石砌基甬路左右建書手房共十六間東西司房 間添修俱用黑漆木欄以防壅弊東西司房北各建房三間以收歲徵租賦錢物廳臺崇比舊加二尺修廣比舊加一丈周圍黑漆木欄甬路比舊廣崇加二尺兩傍俱用匠作條石上加黑漆木欄至鼓樓門甓灰甃砌通街至宣化坊吏舍四十間重修砌建幕宅客舍三間一口五彩致飾黝聖丹髹美完中度輝煥一新鐘鼓樓見別錄不備著莫不渠渠焉奕奕馬視前不啻倍厯矣自丁卯歲三月初旬庀工五月初旬畢役候之心猶慮其聊且粗畧而遺後之譏也落成之日縣尹孫候縣簿郭候縣幕吳候咸曰候之為此豈特為吾輩安居計哉蓋欲上以重具瞻下以悅民心近有以宜於今遠有以裕於後予等食公食治公職者莫不朝於斯夕於

斯以承流宣化於斯孰肯先之勞之以成其美哉今茲俾予等不勞心不費力而坐享其成候之功海濶天高安可泯也矚潔文之於石用垂不忘洪惟朝廷設官分職所以代天工而治天民也候以經濟之宏才非百里之可滯方今聖人在上宵旰求賢以隆至治藩憲重目交相辟薦將見不日居廟堂而功被四海矣豈特為一邑之光哉區區匪才姑效春秋之直書此以為記候名淵字德深晉陽石州人世傳清白云明正統十二年歲次丁卯秋七月望日致仕教諭金峰劉道源撰

重修洛寧縣署記

官廡之敝也官斯士者曰吾於時旅旅也宜十不二三完也左氏傳叔孫穆子所館雖一日必厚葺其牆屋去之如始至况守土吏擁數千百里之地視民如子治官事如家事而出治之所退思之室乃至以傳舍視之不問而其官可知也昔召伯巡行南國聽訟於甘棠之下後人思其人因愛其樹共矢

無剪無伐是非有棟宇垣墉也猶且如此洛寧固召南地自作邑以來循吏間出民有德之而新其廡舍者與或曰是所居不一人賢者以不賢病也孔子於旅三之象曰以旅於下其義喪也上以旅之道視其下下不以旅之道報與於下而旅之有不以旅自為者與甚矣其苟也永寧縣治創建時代無考其載於志乘者一修於元重建於明洪武三修於正統宏治萬歷至本朝康熙八年知縣李伸葺之乾隆九年單履咸復加整理然吏宇尚沿茅舍內外堂室日益傾頽將欲修之而公私費無所出通河南官廡皆然不獨寧也今方伯佛公敬爾有官維新度政請於

朝出公項若干為修理各屬廡宇之資而以養廉分年扣抵予適蒞洛寧奉檄經理不三月而葺事撤而新之者十之六因而葺之者十之四視舊堅且壯焉廢白金六百一十八兩有奇而為文以記之因以自箴抑重有望於後之人也君子視民如子治官事如家事故坐堂皇則用顧於民岩高軒宜夏

燠室宜冬則念寒暑之怨咨婦子相依筦簞安寢則思綢繆束楚室家之未完賓朋讌會持梁齒肥則思土銜寒烟檢朴之景况吾不自旅其敢以旅民與民又其忍以旅我與君子是以知自寧其身心之足以寧人也且願吾民之寧永永無極其有以庇我也是為記乾隆三十二年丁亥歲仲春月魯成龍撰

共食園記

全軌

共食園者青士先生洛西官舍後之菜圃也縱短橫長大可二十畝繚以周垣垣下植榆柳無數春夏時烟翠四合望之如張握鑿土城引鳳翼澗水以灌水自北垣入分為二支一支迤南而下灌西偏之均一支循北垣而東達於三隅蚤韭晚菘連畦被隴凡四時之嘉蔬無不具也當水方循垣而東之南有亭曰菜根已易室遠以余為義山公所留屢招不獲至而思之也亭基高數尺不施四壁北修竹數百竿枝橫斜交於簷下南望女几金門山如對

畫圖風晨月夕寒氣侵人坐不能移時輒去亭之東七八十步鑿池如壁形水深四五尺芙蓉菱芡金鱗出没架三板橋以渡池中有臺上有亭八角而蓋茅承以四柱愧已之志未遠也顏以小草臺頗濶西北隅池之大柳覆之下安石几列方石四面以坐傍池之西岸因鑿池之土為堤雜種桃杏堤盡增築為小邱垂釣之所也池之東薪柵竹繩別為小方院穿細路而往折而北而西草屋一間背枕池上者曰已廬蓋有感於孟子失其本心之歎也後闢大圓牕得壁之半荷風柳日光動承塵水自柵流經前牕下漣漣有聲西入於池案上置周易一奉退食則朗誦其中家人亦不得輒至遇春秋佳日名花茂樹紅綠滿園鳥語蛙鳴上下和答同志者或相過訪先生則沽酒治具對酌石几微醺之後分題睽句抗論今古已乃登西亭眺南山亟乎已廬焚香煮茗燕坐而休焉一日喟然語其友人曰余羈栖於此十年矣所見人世之富貴聲名瞬息變滅消歸無有者何限而吾園林山水詩書朋友之

樂不求之外而自足身安心泰更歷久遠而獨泊然無盛衰欣戚之異余之得之是邑者多矣倘蘇子之所謂江風山月用之不盡而取之不竭者耶乃名其園曰共食之園而俾余書之室遠亭以示賓客先生尚志好古而篤於同聲之契遊於是園者并當世有名之士易初惕翁先生來未幾遂卒其後呂元素劉太乙王荆田相繼觴咏其中賦詩至數十篇而余與道遠雨若先生之從母弟世臣惕翁先生之令子時占門人聖鐸來而去去而復來留輒至數月風床展卷析疑賞竒無日不與先生共而尤最久者余也今歲在戊寅李冬哉生明之日得先生超遷守衡陽之報俯仰今昔忽忽遂已十四年念先生行且去而余數人者亦各萍梗散矣感斯園之不再至而後或記憶之不詳也東齋無事漫記池臺遊處之纖悉乞時占書二通其一遺先生一余自藏之莫茫茫天海時一把觀宛如聚首且使未至者見之知塵埃簿領中亦有淵雅道素如先生者也

儒學教諭宅舊志在明倫堂後明末流賊焚毀康熙三十四年教諭宋鎰創修明倫堂後三楹左為友仁堂右為敬一堂後為教諭宅乾隆二十年教諭任果重修二堂東書房乾隆五十三四年教諭高特拔重修三堂東西廂房二堂及西書房川堂東西齋房

訓導宅在明倫堂東乾隆二十九年訓導張叶鼎重修大堂

典史署在縣署東南乾隆四十八年典史邵宗源重修

把總署在東門內雍正四年自嵩縣營移防於此新建